



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

PROT. n.2703

### ORDINÀNTZIA N.7 DE SU 15 DE MARTZU DE SU 2021

**Ogetu:** **Ulteriores mesuras istraordinàrias urgentes de cuntrastu e preventzione de s'isparghidura epidemiològica dae COVID-19 in su territòriu regionale de sa Sardigna. Ordinàntzia in cunforma a s'art.32, comma 3, de sa lege de su 23 de nadale de su 1978, n.833 in matèria de igiene e sanidade pùblica.**

#### SU PRESIDENTE

- BIDU s'art.32 de sa Costituzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale de su 7 de ghenàrgiu de su 1977, n.1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege de su 23 de nadale de su 1978, n.833 "*Istituzione de su servitziu sanitariu natzionale*" e in particolare s'art.32 chi disponet "*su Ministru de sa sanidade podet emìtere ordinàntzias de caràtere contingibile e urgente, in matèria de igiene e sanidade pùblica e de politzia veterinària, cun eficàtzia istèrrida a totu su territòriu natzionale o a parte de issu chi cumprendet prus regiones*", e puru "*in sas matèssis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia istèrrida a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDA sa declaratzione de s'Organizatzione mundiale de sa sanidade de su 30 de ghenàrgiu de su 2020 cun sa cale s'epidemia dae COVID-19 est istada



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

valutada comente un'emergèntzia de sanidade pùblica de rilevàntzia internatzionale;

- BIDA sa delibera de su Consighiu de sos Ministros de su 31 de ghenàrgiu de su 2020 cun sa cale est istadu declaradu s'istadu de emergèntzia in su territòriu natzionale relativu a s'arriscu sanitàriu connessu a s'isvilupu de patologias chi derivant dae agentes virales trasmissibiles, finas a su 31 de trìulas de su 2020, prorogadu a su 15 de santugaine de su 2020, a su 31 de ghenàrgiu de su 2021 e, in fines, a su 30 de abrule de su 2021;
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relazione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissibiles*";
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat su Presidente de sa Regione Sardigna, sugetu atuadore de sos *interventos segundu su OCDPC 630/2020*;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege de su 17 de martzu de su 2020, n.18, chi cuntenit "*Mesuras de afortigadura de su servitziu sanitàriu natzionale e de sustennu econòmicu pro familias, traballadores e impresas connessas a s'emergèntzia epidemiològica dae COVID-19*"; mudadu, cun modificas, cun sa lege de su 24 de abrule de su 2020, n.27;
- BIDU su decretu lege de su 25 de martzu de su 2020, n.19, chi cuntenit "*Mesuras urgentes pro fàghere fronte a s'emergèntzia epidemiològica dae COVID-19*", mudadu, cun modificas, dae sa lege de su 22 de maju de su 2020, n.35 e a manera ulteriore modificadu dae su D.L. n.83/2020, in particolare sos articulos 1 e 2, comma 1;
- BIDU su decretu lege de su 16 de maju de su 2020, n.33 chi cuntenit "*Ulteriores mesuras urgentes pro fàghere fronte a s'emergèntzia epidemiològica dae COVID-19*" e publicadu in sa Gazzetta Ufficiale n.125 de su 16 de maju de su 2020, mudadu, cun modificas, cun sa lege de su 14 de trìulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege de su 19 de maju de su 2020, n.34 "*Mesuras urgentes in matèria de salute, sustennu a su traballu e a s'economia, e puru de politicas sotziales connessas a s'isvilupu de s'emergèntzia epidemiològica dae COVID-19*", mudadu, cun modificas, cun sa lege de su 17 de trìulas de su 2020, n.77;
- BIDAS sas ordinàntzias de su Ministru de sa Salute de su 30 de làmpadas de su 2020,



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

de su 9 de triulas de su 2020, de su 16 de triulas de su 2020, de su 24 de triulas de su 2020, de su 30 de triulas de su 2020, de su 1 de austu de su 2020, de su 12 de austu de su 2020 e de su 16 de austu de su 2020;

- BIDU su decretu lege de su 30 de triulas de su 2020, n.83 “Mesuras urgentes connessas cun s’iscadèntzia de sa declaratzione de emergèntzia epidemiològica dae COVID-19 deliberada su 31 de ghennàrgiu de su 2020”;
- BIDU su decretu lege de su 14 de austu de su 2020, n.104 “Mesuras urgentes pro su sustennu e su rilàntziu de s’economia”;
- BIDU su decretu-lege de su 7 de santugaine de su 2020, n.125, chi cuntenit “Mesuras urgentes connessas cun sa pròroga de sa declaratzione de s’istadu de emergèntzia epidemiològica dae COVID-19 e pro sa sighida operativa de su sistema de allerta COVID, e puru pro s’atuatzione de sa diretiva (UE) 2020/739 de su 3 de làmpadas de su 2020”, mudadu cun modificatziones dae sa Lege de su 27 de santandria de su 2020, n.159;
- BIDU su decretu-lege de su 28 de santugaine de su 2020, n.137, chi cuntenit: “Ulteriores mesuras urgentes in matèria de tutela de sa salute, sustennu a sos traballadores e a sas impresas, giustitzia e siguresa, connessas a s’emergèntzia epidemiològica dae Covid-19”, mudadu cun modificatziones dae sa Lege de su 18 de nadale de su 2020, n.176;
- BIDU su decretu-lege de su 18 de nadale de su 2020, n.172, chi cuntenit: “Ulteriores dispositziones urgentes pro fàghere fronte a sos arriscos sanitàrios connessos a s’isparghidura de su virus COVID-19”, mudadu cun modificatziones dae sa Lege de su 29 de ghennàrgiu de su 2021, n.6;
- BIDU su decretu-lege de su 14 de ghennàrgiu de su 2021, n.2, chi cuntenit: “Ulteriores dispositziones urgentes in matèria de cuntenimentu e preventzione de s’emergèntzia epidemiològica dae COVID-19 e de acumprimentu de sas eletziones pro s’annu 2021”;
- BIDU su decretu-lege de su 12 de freàrgiu de su 2021, n.12, chi cuntenit: “Ulteriores dispositziones urgentes in matèria de cuntenimentu de s’emergèntzia epidemiològica dae COVID-19”;
- BIDU su decretu-lege de su 23 de freàrgiu de su 2021 n.15, chi cuntenit: “Ulteriores dispositziones urgentes in matèria de ispostamentos in su territòriu natzionale pro su cuntenimentu de s’emergèntzia epidemiològica dae COVID-19.”;
- BIDU su documentu chi cuntenit “Preventzione e risposta a COVID-19: evoluzione de s’istategia e pianificatzione in sa fase de transitzione pro su periodu atòngiu-ijerrale” predispostu dae su Ministèriu de sa Salute, dae s’Istitutu Superiore de Sanidade, dae su Coordinamentu de sas Regiones e Provintzias Autònomas chi frunit elementos generales pro afortiare sa *preparedness* pro fàghere fronte a sas infetziones in s’istajone atòngiu-ijerru de su 2020-2021 (prot. n.7474 de su 12 de santugaine de su 2020 Cunferèntzia de sas Regiones e de sas



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Provìntzias autònomas);

- BIDU su decretu de su Presidente de su Consìgiu de sos Ministros de su 14 de ghennàrgiu de su 2021, chi cuntenit: “Ulteriores dispositziones atuativas de su decretu-lege de su 25 de martzu de su 2020, n.19”, mudadu, cun modificatziones, in sa lege de su 22 de maju de su 2020, n.35, chi cuntenit “Mesuras urgentes pro fàghere fronte a s'emergèntza epidemiològica dae COVID-19”, de su decretu-lege de su 16 de maju de su 2020, n.33, mudadu, cun modificatziones, in sa lege de su 14 de trìulas de su 2020, n.74, chi cuntenit “Ulteriores mesuras urgentes pro fàghere fronte a s'emergèntzia epidemiològica dae COVID-19”, e de su decretu-lege de su 14 de ghennàrgiu de su 2021 n.2, chi cuntenit “Ulteriores dispositziones urgentes in matèria de cuntenimentu e preventzione de s'emergèntzia epidemiològica dae COVID-19 e de acumprimentu de sas eletziones pro s'annu 2021”;
- BIDA sa tzirculare de su Ministèriu de sa Salude n.3787 de su 31 de ghennàrgiu de su 2021, chi at comentu ogetu: “Aggiornamentu subra de s'isparghidura a livellu globale de sas variantes noas SARSCoV-2, valutatzione de s'arriscu e mesuras de controllu”;
- BIDA s'ordinàntzia de su Ministru de sa Salude in data 27 de freàrgiu de su 2021, e in particolare s'art.1, pro su cale “in cunforma a s'articulu 1, commas 16 sexies e 16 septies de su decretu lege de su 16 de maju de su 2020, n.33, a decùrrere dae su 1<sup>a</sup> de martzu de su 2021 a sa Regione Sardinna si àplicant sas mesuras segundu sa g.n. “zona bianca”, comentu determinadas dae su decretu de su Presidente de su Consìgiu de sos Ministros de su 14 de ghennàrgiu de su 2021 e decretos imbenientes adotados in cunforma a s'art.2, comma 1, de su decretu lege de su 25 de martzu de su 2020, n.19”;
- CUNSIDERADU chi segundu s'ordinàntzia tzitada “pro compidare sos efetos de su rilàsciu de sas mesuras anticontàgiu in sa Regione Sardinna, est istituidu unu tàulu tècnicu istituzionale cumpostu dae sos rapresentantes de su Ministèriu de sa Salude, de s'Istituto Superiore de sa Sanidade e de sa Regione Sardinna”;
- BIDU su Decretu de su Presidente de su Consìgiu de sos Ministros de su 2 de martzu de su 2021 e sos allegados relativos e, in particolare, s'art.7 chi detat mesuras de cuntenimentu de su contàgiu aplicàbiles a sa zona bianca;
- BIDU su decretu lege n.30 de su 13 de martzu de su 2021 chi cuntenit “Mesuras urgentes pro fàghere fronte a s'isparghidura de su COVID-19 e interventos de sustennu pro traballadores cun figios minores in didàtica a distàntzia o in barantena”;
- TORRADAS A CRAMARE sas Ordinàntzias pretzedentes pròpias emìtidas in cunforma a s'articulu 32, de sa lege de su 23 de nadale de su 1978, n.833 in tema de mesuras pro sa gestione de s'emergèntzia sanitària ligada a s'isparghidura de sa sindrome dae COVID-19;
- CUNSIDERADU chi bisòngiat detare ulteriores dispositziones indiritzadas a cuntrastare sa ripresa



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

eventuale de s'isparghidura virale dae covid-19 e a garantire, in su matessi tempus, s a siguresa de sos utentes e de sos traballadores de su setore de s'iscola e de sos trasportos, assigurende in su matessi tempus sa fruitzione de su servìtziu essenziale de su trasportu pùblicu locale;

**BIDAS** sas motivatziones cuntènnidas in s'ordinàntzia n.4 de su 28 de freàrgiu de su 2021, chi si intendent inoghe torradas a cramare a manera integrale;

**CUNSIDERADU** chi s'art.57, comma 4 de su DPCM de su 2 de martzu de su 2021, istabilit chi "sas dispositziones de su decretu presente si àplicant a sas Regiones a istatutu ispetziale e a sas Provìntzias autònomas de Trento e de Bolzano a manera cumpatibile cun sos Istatutos rispetivos e sas normas de atuatzione relativas";

**DADU ATU** de sas potestades primàrgias atribuidas a sa cumpetèntzia regionale dae sa Lege Costituzionale de su 26 de freàrgiu de su 1948, n.3;

**APRETIADU** de dèvere adotare ogni misura ùtile a evitare chi s'acumprimentu de sa campagna vatzinale potzat èssere dannizadu dae sa crèschida eventuale de sos contàgios e chi, a s'occasione, aparet netzessàriu prorogare sas dispositziones segundu s'Ordinàntzia pròpia n.6 de su 5 de martzu de su 2021;

**ATESU** chi faghet parte de sas cumpetèntzias primàrgias de sa Regione Autònoma de sa Sardigna riferidas a sas matèrias torradas a pònnere a sa potestade legislativa e amministrativa pròpia e, pro issa, tochet a su Presidente de sa Regione Autònoma de sa Sardigna, puru in calidade de Autoridade Sanitària Regionale, valutare e apretziare sos interventos netzessàrios pro sa tutela de sa salute pùblica;

## ÒRDINAT

**Art.1)** A s'art.2 de s'Ordinàntzia n.6 de su 5 de martzu de su 2021, sas paràulas "- pro sa prima chida de vigèntzia de s' Ordinàntzia presente -" sunt suprimidas.

**Art.2)** S'Ordinàntzia n.6 de su 5 de martzu de su 2021, gasi comente modificada in s'art.1, est prorogada finas a su 6 de abriale de su 2021, francu ulteriore pròroga esplitzita o diversas prescritziones, puru de signu contràriu, chi si diant a fàghere netzessàrias in dipendèntzia de s'andamentu de sa curva de isparghidura de su virus, chi at a èssere compidada a manera costante dae sos òrganos cumpetentes de s'Amministrazione e de sas Aziendas.

**Art.3)** Pro totu cantu non disciplinadu a manera espressa dae s'ordinàntzia presente, si faghet rinviu espressu a su DPCM de su 2 de martzu de su 2021 e allegados relativos.

Francu chi su fatu non costituitat reatu prus grave, sa no osservàntzia de sos òbligos segundu s'ordinàntzia presente est santzionada comente pro lege (art.2 de su D.L. 33 de su 16 de maju de



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

su 2020).

S'ordinàntzia presente benit trasmitida, segundu sas cumpetèntzias rispetivas, a su Presidente de su Consìgiu de sos Ministros, a su Ministru de sas infrastruturas e de sa mobilitade sustenìbiles, a su Ministru de sa Salute, a su Ministru de s'istrutzione, a sos Amministradores de sas Provìntzias de su territòriu regionale, a su Sìndigu metropolitanu de Casteddu, a sos Sìndigos de sos Comunes de sa Sardigna, a sos Prefetos de sos Ufìtzios territoriales de Governu de sa Sardigna, a sos Assessoros regionales, a sas sotziedades e aziendas de trasportu pùblicu locale e a sos àteros sugetos interessados.

Contra a s'ordinàntzia presente est ammitidu ricursu giurisditzionale a in antis de su Tribunale Amministrativu Regionale in su tèrmine de sessanta dies dae sa comunicatzione, ossiàt istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN SOLINAS  
REGIONE AUTÒNOMA  
DE SA SARDIGNA -  
SISTEMA REGIONE  
15.03.2021 18:58:25  
UTC

Traduzione de s'operadora de s'isportellu linguisticu de Pàdria

Maria Leonarda Correddu